

HORRA MARI DOMINGI!

Horra Mari Domingi,
begira horri.
gurekin nahi duela
Belena etorri.
Gurekin nahi badezu
Belena etorri,
atera beharko dezu
gona zahar hori.

Atoz! Atoz!
zure bila nenbilen ni.(bis)
Atoz, goazen, adora dezagun
Belenen jaio dan
haur eder hori
haur eder hori.

BIS)

HATOR HATOR

Hator, hator mutil etxera
gaztaina ximelak jatera
Gabon gaba ospatutzeko
aitaren (e)ta amaren onduan.
Ikusiko dek aita barrezka
ama (e)re poz atseginez.

Eragiok mutil aurreko danbolin horri,
gaztainak erre artian,
gaztainak erre artian,
txipli, txapla, pum.
Gabon gaba pozik igaro daigun

OLENTZERO

Olentzero joan zaigu
mendira lanera
intenzioarekin
ikatz egitera.

Aditu duanian
Jesus jaio dala,
laisterka etorri da
berri ematera.

Horra! Horra!
Gure Olentzero
pipa hortzian duela
eserita dago
kapoiak ere baitu
arrautzatxuakin
bihar meriendatzeko
botila ardoakin.

Olentzero buru haundia
entendimentuz jantzia
bart arratsean
edan omen du
hamar arruko zahagia.

Ai urde tripa haundia] BIS
tralara la la ...]



ELUR MALUTAK

Badatoz beltzak, badatoz zuriak
elkarrekin eskutik lotuta
badatoz umeak ametsez beteta
zaharren bihotzeten oroitzapenak

*Elur malutak zerutik
izar bat dir-dir zeruan,
Belenen munduko argia
jaio da Gabon gaeuan*

Badatoz gaixoak, badatoz txiroak
sufritzen dutenentzat bakea eskatuz
behartsu guztiak zorionez beteak
elkarri begira maiteminduak.

Badatoz jakintsuak, jende xumea
baserritarrak bertsotan dabiltzanak
kantari datozi musikazaleak
pailazoak dantzian barrea eraginez.

OLE OLENTZERO

Ole olentzero, ole olentzero,
ole olentzero, ole olentzero,
ole olentzero! (BIS)

Olentzero joan zaigu
mendira lanera
intentzioarekin
ikatz egitera.

Horra! Horra!
Horra! Horra!
Gure Olentzero
pipa hortzian duela
eserita dago

Ole olentzero, ole olentzero,
ole olentzero, ole olentzero,
ole olentzero! (BIS)

OLENTZERO TA ASTOA

Olentzero ta astoa basora joan dira
bidean galdu eta haserretu dira.

Olentzerok astoai belarritik tira
astoak Olentzeroi praketatik tira.

Tira ta tira elkarrenak dira
Tira ta tira konponduko dira.

Olentzero ta astoa basora joan dira
bidean galdu eta haserretu dira.

Olentzerok astoai buztanetik tira
astoak olentzeroi gerrikotik tira.

Tira ta tira elkarrenak dira
Tira ta tira konponduko dira.

Olentzero ta astoa basora joan dira
bidean galdu eta haserretu dira.

Bidean galdu eta haserretu dira.
Bidean galdu eta haserretu dira.

ZATOZ BA, OLENTZERO

Udazkena badoa,
badatoz Gabonak.
Izango ote dira
denontzako onak?

Elkarrekin ospatuz
algara ta broma,
senide ta guraso
baita aiton-amonak

Santa Klaus, Papa Noel
Errege Magoak.
Denontzat atseginak,
baina urrutikoak.

Zatoz ba, Olentzero!
zu zara hemengoa,
zure zain dauzkazu eta
umeen gogoak.

